

Broj: 01-07-07/2-11-3-343/24

Sarajevo, ~~30-04-2024~~

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama („Službeni glasnik BiH“, br.: 39/14 i 59/22), federalni ministar unutrašnjih poslova d o n o s i

ODLUKU

o dodjeli ugovora za nabavku obrazaca matičnih knjiga, obrazaca izvoda iz matičnih knjiga i uvjerenja o državljanstvu za 2024. godinu putem pregovaračkog postupka bez objave obavještenja o nabavci

I

Za isporuku obrazaca matičnih knjiga, obrazaca izvoda iz matičnih knjiga i uvjerenja o državljanstvu za 2024. godinu, u skladu sa članom 21. stav (1) tačka c) Zakona o javnim nabavkama („Službeni glasnik BiH“, br. 39/14 i 59/22), dodjeljuje se ugovor dobavljaču Javno preduzeće Novinsko-izdavačka organizacija „Službeni list Bosne i Hercegovine“.

II

Ugovor za isporuku obrazaca matičnih knjiga, obrazaca izvoda iz matičnih knjiga i uvjerenja o državljanstvu za 2024. godinu zaključit će se u skladu sa dostavljenom i prihvaćenom konačnom ponudom JP NIO Službeni list BiH za nabavku obrazaca matičnih knjiga, obrazaca izvoda iz matičnih knjiga i uvjerenja o državljanstvu za 2024. godinu koja je dostavljena ovom ministarstvu dana 24.04.2024. godine, konačna ponuda broj: 5-1-05-1-184/8-24 u ukupnoj vrijednosti 1.317.042,72 KM sa popustom bez obračunatog PDV-a, odnosno 1.540.939,98 KM sa popustom i obračunatim PDV-om.

III

Za izradu ugovora o isporuci obrazaca matičnih knjiga, obrazaca izvoda iz matičnih knjiga i uvjerenja o državljanstvu za 2024. godinu zadužuje se Sektor za materijalno finansijske poslove Federalnog ministarstva unutrašnjih poslova.

Za izradu prijedloga odluke Vlade Federacije BiH o utvrđivanju nove cijene matičnih knjiga, izvoda iz matičnih knjiga, uvjerenja o državljanstvu i vjenčanih listova sa cijenama koje bi sačinio Sektor za materijalno finansijske poslove ovog Ministarstva po realizaciji pomenutog ugovora za 2024. godinu, zadužuje se Sektor za opće i zajedničke poslove ovog Ministarstva.

Za izradu kalkulacije cijena radi utvrđivanja nove cijene matičnih knjiga, izvoda iz matičnih knjiga, uvjerenja o državljanstvu i vjenčanih listova po realizaciji pomenutog ugovora za 2024. godinu zadužuje se Sektor za materijalno finansijske poslove ovog Ministarstva.

IV

Odluka stupa na snagu danom donošenja.

O b r a z l o Ź e n j e

Shodno Odluci Vlade Federacije Bosne i Hercegovine o štampanju i distribuciji matičnih knjiga i izvoda iz matičnih knjiga, V. broj 952/2012 od 22.06.2012. godine, Odluci Vlade Federacije Bosne i Hercegovine o izmjeni Odluke o štampanju i distribuciji matičnih knjiga i izvoda iz matičnih knjiga, V. broj 1422/2012 od 23.10.2012. godine, Pravilniku o obrascima matičnih knjiga i drugim aktima iz matičnih knjiga ("Službene novine Federacije BiH", br. 86/12, 25/13, 36/13, 45/13, 66/13 i 8/15), Ugovoru o pravima i obavezama - poslovnoj saradnji ugovornih strana o štampanju i distribuciji obrazaca matičnih knjiga, obrazaca izvoda iz matičnih knjiga i uvjerenja o državljanstvu i vjenčanih listova, broj: 01-738 od 18.10.2012. godine, Ugovoru o izmjenama i dopunama ugovora o pravima i obavezama - poslovnoj saradnji ugovornih strana o štampanju i distribuciji obrazaca matičnih knjiga, obrazaca izvoda iz matičnih knjiga i uvjerenja o državljanstvu i vjenčanih listova, zaključen u FMUP-u pod brojem: 01-07-07/2-14-2-2054 od 06.11.2015.godine i Ugovoru o izmjenama i dopunama ugovora o pravima i obavezama- poslovnoj saradnji ugovornih strana o štampanju i distribuciji obrazaca matičnih knjiga, obrazaca izvoda iz matičnih knjiga i uvjerenja o državljanstvu i vjenčanih listova broj: 01-06-11-1-1110/23 od 05.02.2024.godine te u JP NIO Službeni list BiH pod brojem: 5-1-05-1-39/3-24 od 09.02.2024. godine, zaključenih između Federalnog ministarstva unutrašnjih poslova i Javnog preduzeća Novinsko-izdavačka organizacija „Službeni list Bosne i Hercegovine“ kao i Izvještaja sa prijedlogom Komisije za provođenje postupka nabavke obrazaca izvoda iz matičnih knjiga i uvjerenja o državljanstvu za 2024. godinu putem pregovaračkog postupka bez objave obavještenja o nabavci broj: 01-07-07/2-11-3-343/23 od 29.04.2024. godine, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 10 dana od dana prijema iste. Žalba se podnosi putem Ugovornog organa u 3 (tri) primjerka.



Dostaviti:

- Ponuđaču x1
- Sektoru za materijalno- finansijske poslove x1,
- Sektoru za opće i zajedničke poslove x1,
- Kabinet ministra, Odsjek za odnose s javnošću x1,
- U spis,
- a/a

KD/AŠ

FMUP- ODL